

臨縣志卷之六

孝義

志曰士人敦行莫先於孝而友于卽因孝以生至外而和宗族睦鄉黨又自有道焉夫緩急人所時有救人阨窮慷慨好施從古以爲難讀司馬公自序暨貨殖俠客列傳其言詞激烈奇慨無窮有以也息在汝南地屬天中人性較厚故獲孝行亦最多而且秉正氣以生其頗知好義者亦復不少唐宋以前可表見者僅矣厥後孝義之士層出不窮此非敢畧於古而獨詳於今也左氏公穀作傳嘗云所見異詞所聞異詞所傳聞又異詞居定哀之間而溯隱桓則後事自從

詳焉爾孝義總序

息縣志卷之六

孝義

宋

董明道包信人母死出葬明道不忍暫離潛匿墓中人瘞之經三日家人發塚取之明道無恙終身廬於墓側

見通志

元

稜刺伯顏息州人居喪有至行廬墓次負土成墳有司以聞詔旌之

見州志

明

張孝子名失傳在城里人少壯勇力稱年三十時嘗有

虎入其家父爲所持幾不免孝子曰吾以身當之持刀直前大聲叱虎虎不敢動竟舍而去父獲免於難人方之楊香云

鄧秉定新息里人嘉靖甲申母鄭病亟判股劑之獲愈乙巳父珩卒廬墓三年鄉里稱之雖制典例不得錄顧其所行亦稱難矣

尹朝璉在城里人奉養父縮母張氏朝夕不懈稱養志焉親歿喪葬如禮廬墓三年不忍去泣曰其何能卒吾志也兄朝瑚哀之資給衣食成其志終身布蔬及卒曰可以見吾親於九京矣有司以事闡建坊旌之歲給粟帛

張本吾包信里人事父母有古人之孝曾父母相繼卒
日夕悲號泣盡繼以血形若槁木廬墓次日以衣懷
土數斗增其塋久之歸然每食必奠哀慕如孺子茹
素粥食終其身有司旌之題曰孝友鄉人目爲張孝
子

黃亮元字績豫燾子初名基因精制藝能詩文舉戊午
第四人同邑朱印第五並有文名亮元性至孝事父
母視膳問安無間晨夕請事跪而言下氣怡色可而
後行母徐先卒葬廬墓側閱二年父命之始旋每食
奠薦如存及父歿哀毀愈甚服闋強赴公車出聞卽
旋里竟卒士稱其孝弟鼎基亦有文名舉明經任孟

津諭

廬璋邑廩庠正德辛未羈寇陷城璋出避之途遇賊勒

使牧馬璋罵賊不屈賊怒以鎗中之洞胷而死

見汝南志

劉守謙明灣里人性樸澹寡欲操行不苟邑置社學舉

爲社師訓孝經小學大義以孝弟教子弟曾有鄧灣

里取役遺官糧三十金簡得之曰遺金也官賦且獲

罪矣遂携以待遺者至詢其故銖兩封識悉符舉還

之其人願酬半以報謙曰久待爾豈欲分耶慮子以

欺官罪特相還爾竟不受子四端登進士擢浙江道

御史封謙如其官

李天綦在城里人業儒篤行崇貞乙亥遇流寇執之令

導行秦責以大義不爲屈賊怒殺之邑令請於臺旌
曰義烈孫元長貢入太學

張西銘字儆我篤行勤學能古文舉明經不仕迨李逆
僞聘以死拒之獲免隱居教授善譚名理士共師事
之

范奇元以明經待銓於吏部爲繼母屈氏年老左右就
養年強不仕後母歿傷祿不逮親終老於家課農教
子澹然素履郡邑重其隱德請於督學榮以冠帶表
其門曰高行

張有恒母病割股以不在旌表之例有司匾獎

鄭建極字德甫在城里人事母李氏曲盡子道侍奉甘

旨久而不倦母八十餘寢疾極衣不解帶者三年每日跪榻側問安母終廬墓哭踊邑人士公舉其純孝業已申憲達部值鼎革未及樹坊幽魂莫慰

國朝

范景淹字祥徵前通判變齊季子舉順治辛卯鄉試性至孝友明末父以宦卒於白下時兵寇交訐南北路阻淹聞訃仰天號泣死而復甦者再隻身徒步竟達喪次扶襯旋里竭力營葬母張氏暮年失明淹暨其妻齊氏躬自侍養每食必親奉昕夕不怠母卒哀毀柴立人多其孝精黃庭真楷骨力端勁時人比諸文董年四十三卒子廩生琦拔貢璜皆以能文世其業

節孝志

夏克敬字文止邑貢生事親以孝聞伯兄庠生克孝仲
兄庠生克儉俱早亡喪葬諸大事竭力獨任撫育孤
姪教養兼盡姪疇昇_胡皆入學食餼伯仲兩門書香
賴以不墜學問淵博設帳三十餘年息之文人學士
半出其門著有學庸講書課授生徒子冕補博士弟
子員孫曾輩世守詩書科第連綿洵爲孝義之報云
鄭奉陞字懋生號抱旭淹通經史慷慨有古人風未仕
卒

任煊義字定遠邑人年十八爲郡學生事母曲盡其孝
義兄弟凡五人明末寇亂弟文方二歲時出痘未痊

忽傳冠至母度勢不能全思棄女去義甫八歲獨滯
戀不置必欲母抱文俱走母不得已從之後卒俱全
義晚年課子授徒甘澹泊歲有餘積輒出以濟人鄉
里多被其周繼

節舊志

鄭鼎鏗號重威梁庄里人五齡父故能卓然自立早遊
邑庠事母彭氏以孝聞及歿殮葬盡禮數十餘年猶
哀泣不輟事兄鼎鉞克盡弟道撫兩姪如已出兩姪
女及時婚嫁更爲諸姊治生養辦死葬甥陶象鼎遺
家難力爲救援得免居鄉敦族睦鄰解紛排難好施
與勸人爲善康熙戊辰年六十三卒宗族鄉黨爲泣

下

齊聞韶字鳳儀邑諸生事兄克盡弟道與族黨處每事謙約自飭未嘗以疾言加人性好施與里中貧乏者多賴以給後以此落業終無悔言子元功亦邑諸生慷慨嗜義如其父孫周贊好學能文舉康熙癸酉鄉試

節舊志

毛匡國字共武號振夏回淳里人老於明經以善書傳遜蹟築木石居詩酒徜徉勸人爲善有古王彥方風邑侯趙下車雅重其品造廬禮之匾曰考盤碩人生平著作甚富有梅嶼寄言等集年七十三卒

任宣文字在茲縣增廣生入貢慕古人奇節偉行事親孝克盡弟道睦族恤鄰異鄉賓朋困乏多傾囊相助

故遠近稱爲善門時江左中州爭墾荒其地舊屬息
邑而潁阜有力者肆鯨吞兩省督撫憲移咨會勘一
時紳士雲集爭論不已文最後至授經據傳言之鑿
鑿而地遂隸息邑衣被之功至今梓里稱頌之當時
邑候鍾義傑以博學宏詞舉給學富三餘匾額

何呈書字肇易邑貢生孝順父母友愛兄弟父朝宗乙
丑進士任浮山縣知縣歿於任與弟歸德府訓導呈
瑞盡倫盡制迎葬於息處鄉黨間謙恭禮貌周卹備
至雖年逾七旬接年幼後輩必待以上賓從未怠慢
蓋以禮自處必以禮處人者也

宋沆字右李在城里人性敏好學弱冠卽食一庠儼父沒

孝事慈母溫清定省不敢少違尤篤視其幼弟寢食皆與已共耳提面命無間晨昏嘗捐資修

至聖神龕及兩廡木主又於舍旁設義塾凡貧家子皆令來學解衣搥食助其攻苦暮年無子買妾魏氏既入門見其面有慘容詢係因兄繫獄賣身贖罪卽立遣歸價亦不問其行事如此可謂孝義兼盡者矣

任文經字維斗附貢生侯銓州同性孝友中年喪父事母杜太孺人逮九十餘色養不倦並樂善好施捐資修養濟院及銓期已屆時梁公催令赴都公曰吾以吾身娛吾親足矣卒不仕亦享年七十有五子候銓縣丞義庠生端皆淳謹好善有父風焉

何舟濟字濂仙邑貢生事父歸德訓導呈瑞克肖承家
廓達好義里黨咸受其賜每逢年終貧苦親鄰多所
周卹凡與同赴省鄉試者必贈以卷資車價房錢咸
解囊代出且於宅後建造書屋致親友子弟讀書其
間學俸膏火皆其所供成就多人

任鎮華字大實中書均子性至孝友事父不得歡心惶
惶若有失婉轉將順視父顏漸霽心乃稍已母各氏
內教亦嚴稍未合意旨一叱喝華輒跪有異母弟四
人友愛無間比析居盡以腴產讓其弟自居處服食
概從儉約中康熙庚子鄉試雍正八年掣分兵部武
庫司觀政祈假歸連遭親喪哀禮備至以祿養不逮

無意仕進遂終老於家

節事畧

盧完昭字季玉明山西按察司僉事大勛公之長子少入庠好讀書不樂仕進每遇有關息治事輒解囊相助不惜破產一時危急多賴周全雖宦家子其敦本立行尤循循不敢苟

任興邦字體仁邑之白里諸生也爲人性純摯孝于親祭祀竭誠追遠必躬親教子有家法尊師重道子汝漢年四十猶爲指授經書於是漢之子德輿德輿之子杰等皆恂恂儒者族人多取法焉

任鎮國字大庸號果亭白里人少聰穎力學不倦甫弱冠卽列膠庠每小試輒拔前茅辛酉科選拔貢生候

銓州判未仕卒於家至今孝友賢行鄉人嘖嘖不置

牛治國字錫侯邑儒士牛法子也幼力學因不善工試

帖屢困小試遂由汝寧府吏考選參軍其爲人性至

孝值父母寢疾必躬侍湯藥目不交睫衣不解帶禱

祈天地愿以身代及父母歿哀毀踰禮不飲酒茹葷

盛暑不脫衾衰朝夕哭奠歷三載如一日兄匡國率

無嗣錫侯哀痛致葬奉嫂終養命弟正國次子陞選

爲嫂嗣教之力學補邑諸生弟正國分居後家業零

落錫侯復以已田割與之毫無德色每值歲歉鄉

多告借者無不傾囊相助及秋後人感其德不忍負

有賣田產以償者聞之怵然曰吾並未索討公等何

至失業以周此細事請仍約諸豐年至赤貧無出者
卽掄券焚之邑侯旌其門曰德孚鄉閭子二長殿選
由貢生考選縣丞次宸選以例授國子學生後壽登
古稀子孫蕃盛人皆以爲樂善好施之報云

王欽字文思邑庠生篤實忠厚孝友傳家尤工於畫京
師重其名撫軍聘畫三府輿圖進

呈並蒙

獎允請校書學書者一時多人年八十三而卒二子澤深
澤溥皆入學有賢聲朱學師光字器重之嘗書其名
於署壁贊曰友于兄弟

宋有光字司臣邑庠增廣生宋之宏之子也宏先娶齊

氏繼娶杜氏光善事之適杜病甚藥不能愈光時尙
幼穉乃知默祝上蒼願以身代且割股進母母病尋
愈光從此不解裹衣恐露其迹年餘家始知之後光
三叔之范故絕所遺田產族欲瓜分光以義爭爲之
立嗣則三門之祧賴以不絕者亦光之力也卒年七
十有七

盧凝字趾滙邑貢生明山西按察司僉事大勛之孫也
性穎悟嗜經史十五入庠二十食饌文章冠一時邑
名士多宗焉雍正七年屢經有司保舉堅辭不就因
兄弟早亡已又乏嗣田地多頃讓於姪年六十一歲
始得子光宗入國學學憲旌其閭曰珪璋聞聖

夏健字體乾邑庠生其學以制行爲先其教人務發其天性使勉力于孝弟嘗述於人曰吾父教子每引小學以爲訓是以勤履恪遵不敢或違然家素貧未嘗爲謀生計父子兄弟皆積學士未嘗一應科其恬淡無所慕類如此與其父壽皆八旬子澤長澤遠同年入泮長循謹有祖父風遠補弟子員早逝孫五開誠開泰開來俱邑庠荀鶴舉人開園監生曾孫十長雲錦已入庠

鄭士振字力哉歲貫生住安化里爲邑名士授生徒者三十餘年成就人材不可屈指數

牛宸選字臚升邑經歷司治國之次子也弱冠入成均

天性醇厚饒有父風及與兒歿遷柩居美宅良田盡
歸於兄自居鄉僻惟隆師取友躬耕訓子是務且好
義樂施每當歲暮出粟賑困終身不倦凡平時有緩
急相告者必委曲籌畫務竭其力里中無不感激邑
侯胡公旌其額曰德被桑梓生子三士偉士甲士元
俱入國學孫映淮尤能篤於孝思將經分住宅改立
祠堂以奉先祀足見箕裘克紹云

范焯宗字麟昭號魯邨邑庠生敦孝友善詩文處世溫
厚和平族人必教以讀書明理一生好善樂施享年
八十有三子召南增廣生亦克肖且以善書名現年
七十有八

齊一哲在城里人胞姪起仁家貧妻子寡歿不給而哲業頗饒乾隆四年十月哲將已地三十畝書契付起仁謂之曰爾我既異居相周之事勢難爲繼今與爾此產汝力耕勤儉可以謀生無負乃叔創業苦心也

起仁衣食得充裕

曹龍雯邑諸生世業儒家貧父久病嫡母黃生母許龍雯色養之愉愉如也以親老投徒不出里閭晨起必謀具甘羶良醑始就學舍歸則奉飲饌侍色笑有暇則取詩文正於父以博父權父母沒每忌日必率子弟素服上食竟日悲痛語及父存日事或見父手澤必歔嘆淚下里中父老有與父生同年者倍加敬之

與弟近憂極友愛十日葬親喪費皆龍雯獨辦近雯將驚產以償其兄龍雯曰葬也藏也所以安吾親也今廢爾產饑寒爾妻子於親心安乎親心不安於吾心安乎涕泣諭之乃止乾隆六年夏率其子赴州謁僕人符姓者暴死時霪雨水溢於道或請瘞之城外龍雯曰生則役之死則棄之弗忍也携其柩歸葬於息其存心行事大率類此

鄭洵邑諸生篤親厚故從兄兌父母早沒貧無依洵養而婚之生子復爲娶婦從兄濟父子祖孫以疫相繼歿遺曾孫大本方四齡洵撫之俚疾輒愴惶醫禱曰兄五世一脉若有故是吾不能撫孤也迄長有室復

其業華延恒者洵母兄子也會以頃田售於洵父念其不給毀契歸之鄉鄰貧者雨雪久必親攜升斗餽之

汪薇字紫宸在城里人少勤學爲邑名諸生後以二親年邁諸弟皆幼穉乃力農以奉親旨親歿後諸弟猶未成立爲之延師教導悉得補弟子員所有貲產皆平分無少偏私中年生二子不惜嚴課歷寒暑無少間又教以禮法每延客嘗令子執壺於側終席不敢離長子度涵登乙卯賢書次子度越爲邑諸生薇晚年亦以明經領歲薦

任鎮驕息之白里人幼卽天性純篤父孝肅公沒廬墓

三年朝夕哭奠如一日母劉太孺人使少弟鎮辰伴
讀墓側縣令朝參課講不以功名而惟以至性弟辰
後補增廣生因以自立以教其子孫卽今己酉進士
任澤和之父也當事梁公以驃行上聞撫軍雅爾圖
錫之額曰儀型鄉黨乃吳接焚之後中癸酉科副榜
仍躬耕祖父之墓側人勸之仕不應也晚益力學享
年七十卒其事母也一如其父故不別爲傳

范煥宗子淑昭在城里貢生卽順治辛卯舉人諱景濂
之孫也爲人天性孝友長兄煥宗先歿撫諸孤教養
備至二兄煥宗任舞陽訓導卒於官無力撙樞皆係
一手經營並有推梨讓棗分給兄嫂田畝之事無德

邑少從父讀書父諱璜爲息邑名士有一典故一事
史卽令記憶故雖係例貢頗淵博隱居西鄉離城十
五里教子成名今綿綿不絕實克家之令嗣也

鄭作肅號時霖邑庠增廣生性寬厚篤孝友受學時卽
步趨古人後隨父任訓武安悉革一切積弊至回籍
教授生徒以敦本立行爲先務雍正間奉文賜額曰
牖民孔勤人以爲有漢尙書風焉

盧耀宗字煜先邑庠生樂善不倦乾隆二十二年奇荒
雖官府賑濟施飯其有饑疫而死者親身拾骨掩蓋
官師舉優乃不務虛名享壽八十五歲卒

李茂安阜里人性至孝父早逝母張氏堅志苦節撫茂

成立茂母一粥一飯必親省親供每有客至凡品味必先奉焉母喪備齋三年蓬首跣足冬不穿棉夏不乘涼朝夕哭泣如一日迨服制既滿闔邑紳士請于縣卽額其門曰孝義可風

盧光宗字嗣徽國學生邑貢生盧凝之子負性忠厚和平尤篤於孝親因父患痰症臥將不起必親奉湯藥衣不解帶者十餘年嗣因母亦病痰三年奉養亦如之其孝行足稱

廖立極字位五邑庠生安化里人賦性廉介鄉里見之莫不起敬子灼字舍英邑廩生守義安貧有父風次子爇字闡章善奉養能悅親心常撫其兄之孤如已

之子雖貧不應教故其子姪俱入庠人皆稱其有義方

鄒畱樸字素存褒信人邑增生事繼母以孝聞撫弟思養備至並教之以知書當丙子年饑鄉愚無知幸以搶奪爲生素存百方開導鄉愚化之全活者以千計此尤不可沒者

宋程字雪門邑庠生爲人亢爽明決性尤孝友人庠後父友謙見次子名尹者無以資生僅有田一分意願全分給與而不便于言程卽仰體全與之已身舌耕度日無怨言遇父母忌辰與凡祭奠之期未嘗不垂涕歷年八十四歲如一日曾逢

皇恩萬壽蒙 賜絹以八品頂服樂身子爲楠邑庠生

何述曾字象賢邑貢生父庠生道濟早逝母任氏亦借
亡之然孤立勤志讀書品端行正好善樂施遇貧苦
親鄰必極力周卹毫無吝色惜乏嗣以姪監生紹衣
承繼

傅方說字夢侯邑諸生幼年失怙事母以孝聞母歿廬
墓三年悲泣無少間敬事諸兄析居時田產任兄自
擇說不忍較其腴瘠多寡嘗買一婢女問其來由已
許聘裘姓卽呼婢父同裘姓領去價值不問又施地
二區爲漏澤園遇鄰里饗殮不繼者輒出粟明之死
不能殮者并施之棺享年九十有五無病而逝

李和恒字宜民澗頭里人歲貢生侯銓司訓事母范宜
人年六十得痰疾左右無方衣不解帶因習醫遂精
通方術弟廷弼晚始讀書卒教之成名後職衛守備
乾隆丙子水災與弟全活餓民無算又捐穀助賑南
汝光道曹賜額題入登善錄顧數奇自戊子鄉試已
得復失竟不過然至今嘉言懿行如倡建義學等事
猶傳於口碑之不忘焉

李廷弼澗頭里庠生捐衛守備職孝於親與兄貢生和
恒處每助以有無不待兄言而曲體之且慷慨樂施
遇歲荒周濟親鄰邑侯李設留養局弼捐貲協辦凡
施地掩骸修橋補路有益於時者甚多

趙淵邑庠生居家孝友處世忠厚顧卹鄰親樂善好施
每逢朔望遵例講約勸鄉人化於善縣公以匾額其
門曰鄉黨楷模至今猶存

楊榔字孔昭白亭里諸生息之舊族也訓子有義方里
人盡師承之子四人師夏字維西者最幼兄弟分析
夏讓良田與諸兄族黨愕然夏獨慨然曰難得者兄
弟易得者田產但有瘠地數畝自耕足矣他何求焉
今業獨倍他人生子五俱業儒斗山早入庠

王承第閩河里儒家子年十三父母俱亡哀痛迫切幾
至骨立時家道艱窘上有祖母奉養無資讓兄則第
專志讀書以紹祖業自竭力服田謀供爨嘗負米

百里外途遇強人劫奪承第泣訴養親狀劫者憫之
卽付還原米兄則第九庠後偶與鄉人口角悞罹於
法承第念兄尙無後爭自承認百訊不移繫囹圄數
載後遇

覃恩釋免闔邑推其孝友擬公舉請旌承第戚然曰吾昔爲
此原以宗子乏嗣懼墜先業耳今吾姪已爲諸生吾
又逢

恩邀免已爲過幸又議公舉是某假兄之災以弋美名也毋
不悉哉衆人乃止

齊定烈字景虞邑庠生爲人慷慨務大節遇本縣公事
有必不得已者多所助理如修費宮建學署龍門大

橋之類皆出其手不辭况瘁至于親友雀啄小事保
全人之骨月各節更不可勝數現有子泰和睦鄉里
自食其力務以忠厚自持有父風焉

牛士偉字輝章閩河呈監生值戊子歲息大饑因過嗣
弟士元放飯濟貧力有不逮曾典地二頃偉念其弟
爲義舉深加獎勵遂解已囊而贖以歸之初因早年
無子曾施棺木以濟貧民之無力葬埋者其種種積
德應獲厚報以故晚年得子映淮入太學卒能世其
家聲於勿替孫貫斗聯斗明斗俱業儒

曹鎮遠字撫干臨淮里庠生天性孝友鄰里凡有爭訟
必力爲排解修橋廟不吝已財晚年延師教子禮貌

兼優尤存尊師重道之義

周延字歷久邑庠生爲人正直端方視姪猶子久交能
敬利不私已鄰里共頌仰之縣公詳請各憲賜匾曰
訓儆型方

宋游喬遷里庠生豪爽好義造舟以便行人捐穀以食
流丐皆有功於時焉時縣令楊公苞額其門曰考槃
碩人

王業爽原籍山東鉅野人其先世累以文學知名高祖
應震字仲起兄加祥字元起俱鄉飲介賓且慷慨敢
言呈控折畝利益甚遠父承第亦曾以捐軀代兄入
光郡總志當承第被累時家道頗艱奕恪遵母戴氏

訓書耕于田夜紡于室教弟讀書兼謀衣食辛苦萬
狀皆突任之嗣逢

恩釋父子圓聚合家慶幸終身不預外事惟教子訓孫以樂
餘年享壽七十有二弟俱援例子萬里入邑庠旋
捐九品職孫基鼎等十餘人皆業儒

馬世勳字桂石包信里人輕財好施丙子年饑施粟粥
各官俱有旌獎

王業宏承第次子借光州籍援例太學生復加捐從六
品爲人和睦鄉里與人無町畦七十壽終稱克家焉
宋南軸字壽占邑庠生工詩善畫意在筆墨蹊徑之外
其爲人也事親孝出繼長門於嗣母晨昏定省慰老

年之孤苦實無子而有子焉與兄南軒文軒無間言
家庭之間愉愉如也

陳季芳安化里耆民少孤事母以孝聞息事寧人周急
卹貧修橋修廟鄉里重之年九十三歲子欸名列成
均

陳科字連升閩河里民素業儒天性孝友父遺命與兄
同居遂不言各爨及兄逝所遺三姪無異已出今長
男士敏與三姪士傑俱入邑庠享年七十卒鄉里以
爲厚德之報云

黃鶴鳴字九臯邑增生乃忠誠黃公之裔孫少孤爲人
慷慨持大節凡縣內公事有關學校者無不身任而

董其成至遇親友事有難解者往往一語而排紛紜
顧數奇屢困科目年七十有六卒有子大模入國學
克繼書香亦亢爽有父風

陳友廣字顙川號鶴田居城東街乃應贈文林郎獻聞
之少子冀州牧杼聞之胞姪梓潼令友韶之胞弟也
父痛友韶早世七歲援例入太學欲從直隸任所應
試北闈而父適病故哀毀骨立之下猶能委曲於諸
兄之前以全友愛者正齒齡年也服闋從逸曠黃先
生遊授以經書制藝輒佩服不敢忘唯體弱不勝煩
劇庚辰壬午兩科買車北上皆道病不果性好琴書
尤篤志於秦漢樂府陶謝古作著有病餘詩草存於

家惜未幾而賁志以沒焉

張恩榮字汝賓白亭里人平生見大義不拘小節汝旁
舊田數百頃初時有太康屯民聚族數百恣意侵懇
里人病之共誚實賓力爭之皆克復如舊白之人至
今享其利初里人未知學賓以身教更廣求名宿以
課後進而里之文教日興焉其田產溝池苟利於族
人者不私爲已有子斗南文名重庠序孫四俱列邑
庠義方之訓如此可觀也年七十餘舉約正再次受
皇恩壽八十有六而終

王佚生閭河里庠生性至孝事兩母趙氏定省禮廢奉
養必謹趙氏年老生遵例給辦奉

青旌表入祠享祀而且於本生之父王奎光凡生養死喪事皆一力經營亦毫不拔弟其孝固族黨所共重再者乾隆丙子年值歲凶荒曾設廠施粥救濟饑民蒙曹道憲賜匾曰樂善不倦其爲人又如此是不特以孝聞矣

張若魯字貫一梅魁里國學生樂善好施里之廟宇橋梁傾圮者輒解囊修葺之乾隆二十一年歲饑獨力放飯濟活多人鄉中悉感再造焉復於瘟疫後募人檢拾道路遺骨瘞埋成塚道憲曹聞之賜匾曰善人有恆

張羽豐字雨舒梅魁里國學生樂善好施乾隆二十一

年息大饑助叔若魯放飯一月里人德焉道憲曹聞之賜匾曰積德昌後

丁維宗梅魁里人樂善好施乾隆二十一年息大饑輸糧放飯月餘鄉鄰多賴周全今子吉士入膠庠魁士入太學道憲曹聞之賜額曰濟人利物

文秀梅魁里人樂善好施乾隆二十一年息大饑輸粟放飯一月鄉里多賴以生全今其子孫蕃昌家道過於前

孫智龍字樂天羅服里人少獨立事親孝長好義樂施年荒周濟親鄰從未索還或家貧不能喪葬與無力嫁娶者無不力助年八十四卒

王子珍字國玉羅服里人居家孝友處世和睦於年荒周濟窮乏蒙道憲曹賜之匾曰善及一鄉

楊登岸安化里人少喪父事祖桓至孝桓年逾八旬交冬便臥牀不起交春始出凡進飲食湯藥必身親之晝夜未嘗離側如此者十數年後因桓疾許仕南海建薰及返未至家詢知祖歿號泣不能自已嘔血而卒桓享年九十七曾受

國家肉帛之賜

陳應極白亭里國學生陳士偉祖也好周鄰里尤好飯乞丐歲饑賊興人多募強壯者爲守夜計獨笑曰吾烏用強壯者爲哉自有守禦者在耳家人疑不然及

膏果有數十乞丐接踵而至相約爲之防禦從此每
率以爲常

許文謨白亭里諸生許經濟祖也客有白金三十兩遺
於道爲所獲思其物必爲納官歛者所失恐其赴城
無以應限必受責薄暮追之城務求其人而還之

楊文柱長陵人地處衝繁居人好爭競柱以忍之一言
終身行之並以此教家勸世凡排難解紛雖賠以酒
食弗恤也拙於言語遠近服其至誠有少年忌其名
盛者無端欲折辱之執兵晉至門衆訝其無由各憤
然欲闕柱力止之親出慰之曰汝爲誰來者何不告
我我當爲汝賣之因輒留壘家少年愧怍無以應尋

款門負荆焉由是爭競之風少息

任師古字敏昭古息里增生爲人謹厚樸實絳帳終身
歲晚務閒凡橋梁廟宇之傾圯者則爲首以修之村
南谷河小橋至今廣大寬平賴其力也及捐館猶以
此意誠其後

黃冕字體元邑貢生黃世燼之季子也事繼母最得歡
心毫無間言其處兄弟間雖同母兄有二繼母弟有
三而友于情篤凡祖遺田產俱推讓不問獨於生養
死葬一切事則皆身任焉孝友兼盡其庶幾與子大

維入邑庠

趙希朱字仰亭胡庄里國學生與其姊俱少失怙恃姊

適張一鳳乃進士張宜之長孫也後又貧寡無子朱
迎養於家甥女三人賴以撫育復擇壻遣嫁幾于破
產營謀無吝惜娶妻夏氏與其姊相處三十餘年無
間言姊卒喪葬盡禮里人重之子連城邑增生

孟錫齡字衍年邑廩生天性孝友雅好讀書文名重於
時爲諸生十餘年屢薦不售而賣志以歿士論惜之
子南烜年十六入邑庠

王朝翰閬河里人幼失怙家道素貧惟事躬耕間有餘
積樂施無吝年三十五歲妻亡生有二子誓不再娶
爲人端方言笑不苟孫敬居入太學壽終八旬曾受

國家肉帛賞賜

陳嘉謨包信里諸生篤於友愛長兄早逝撫二幼姪東陽景俱入庠乾隆二十三年饑民滋事偕往夏天木家均糧意欲搶奪謨往曉以大義衆悉去里下獲安牛士元字魁章邑貢生侯補縣丞殿選之嗣子也幼入國學有祖父風乾隆三十三年戊子歲大荒魁章獨出穀粟煮粥以食流丐遠近活者甚衆並捐貲刊達生編二卷以濟世邑民公懇表其門曰勤襄義舉道憲畢復賜善行獨優匾獎異之子四昱霖澤霖寶霖俱入國學祥臨入邑庠

岳鵬程邑監生家素貧以忠厚勤儉獲厚貲處已不矜待人刻循循有長者風然尤好爲善如施棺木以

濟貧人刻陰隲報證文行於世乃實徵也卒年六十
餘子體仁由監生捐鹽課大使

五世同堂

鄭世樞安化里監生現年八十八歲有七子三十三孫
二十二曾孫並見五世元孫鄭發建於嘉慶二年事
聞蒙

上賜額英者衍慶復奉

上諭五世同堂者天下十有七家計其人皆百有餘歲槩年
未滿百已慶五世尤見我

國家休養生息爲從古所未有云

趙純一白里民爲人忠誠樸實自耕田外渾然別無所

知識然子孫蕃衍已見元會同居者五世矣嘗扶杖
攜其系孫村外遊戲語其孫曰我與爾漸出五服已
屬無親何故戀戀乎似此慶幸語殊爲人生所樂聞
現年九十有六

附錄

生人無立傳之例因里人公舉在案故聊以
附錄存之

張麟瑾字錫齡號閩陽羅服里人少孤賴其伯父揚先
伯母牛氏教養成立嗣以捐騎尉並請貤封以隄於
例而不逮心每以爲歉其曾祖玉梁公會爲兵部郎
中瑾欲紹其業故嫻於武事然於文章詩律亦愛吟
哦焉至請封建祠不惜重貲以營成其事是志在光
前裕後于孝有合又其大端所可表見云

黃廷棟字清植安化里庠生父斌卒遺產頃餘棟獨力躬耕撫訓幼弟廷槐廷桂皆入泮後家道豐饒與弟均分無私蓄且爲人端方正直鄉里重之現年八十有二

黃正卿國學生羅服里人父歿與幼弟正魁同居殷勤訓誨使弟成名凡鄰里親族有力不能讀書者卿設館延師代出學資及葬父守墓三月在國學中尙未頗曉禮儀者故里人舉之

簡文彩字耀章安化里人父早卒彩繼父志事祖父母曲盡孝道其次弟文彤時甫十二歲三弟文彪甫九歲季弟文彬甫一歲皆彩與母弟母亦亡失怙恃者

呱呱一堂形獨竭盡心力撫育教誨其後形之子獻彪之子燾同入庠其同居之堂弟文政亦援例皆形之力也

廖爆字馨章安化里人善居積可自給卽不自私其兄嫂歿皆力葬之又收養其兄之子女多人嫁娶無異已出且凡有廢橋敗廟亦必解囊倡首共襄厥成是以里人義之現年踰古稀孫斗南髫齡入邑庠

任義字宜若胡庄里人母李氏年八十餘久患癱症二十餘年一切飲食牀褥枕席動輒需人義左右無方善體母志不以病爲苦今義已八十餘矣有子廩生性善皆善仰體亦善報也

任元善字陶久邑貢生爲人一言一語俱以古道相處不染時下習氣現年逾七旬每見里中後生子弟輒諄諄訓誨終日無所倦後生輩亦俱樂久坐聽之不忍去

王普生邑北鄉民也勤儉成家慷慨好施凡里有急難至其家則無不恤或助以棺木或借去銀糧初不問其還與否亦不計其多寡現年八旬有餘

王瑛字瑞品邑諸生初年十五值母病不痊割其股以療母母病遂愈知息縣楊公苞額其門曰孺慕性成邑舉人後在合浦令枉度酒題其事曰世間何物著乾坤忠孝凜烈萬古存聰靈至性得王郎使我聞之

勤心魏問年十五髮垂髻釣譽沽名豈所計割肉
母人不知阿母從此離牀第輿論歡騰邑侯喜大書
特書旌其里腐儒何必說中庸聖賢多是奇男子我
有方寸一斗血十年鬱鬱剛腸結淮北子弟誰英傑
雙瞳剪剪貌恂恂丰姿瀟灑迥絕塵良玉須琢金須
鍊莫落寰中第二人事在乾隆二十三年

周萬年字松崖國學生梁庄里之望也素慷慨好義每
遇公事輒倡首催辦及鄰里有口角必力爲勸諭出
酒食和解之以此遠邇聞風者常以不得同里居爲
憾

王業懋邑耆民爲人克孝善繼父志兄弟四人同爨數

十年無間言遇事能任勞析財推讓因兄業宏乏嗣謀爲之娶妾者再堂兄業偉妻趙氏蚤寡家道寒薄以已產周給之俾嫂得完節分居後猶供姪萬里書致入庠子萬善捐授布政司理問

廖璿字政齊邑諸生安化里人賦性醇敏孝友端方闔邑生推爲齋長雍正七年以孝廉舉享年八十五歲以壽官賜子其極等仍藹然有醇樸風里咸重之

按自古聖賢有以孝稱者而孝云大孝有以義稱者而義云大義卓哉其不可企矣下此則士庶人之身德薄而行淺似乎其不能及遠然而秉懿攸同聖凡無異有時至性所將雖以聖賢處此無庸更議者不特

息縣志卷之六
孝爲然匹夫慕義又何所不勉也息邑稱孝者莫如
宋之董明道終身廬墓明之張孝子救父捕虎故舉
以弁首至割股刲肉之事果出孺慕雖爲例所禁而
情實可憫亦必採取之若論義則救災卹難不惜捐
貲亦鄉里所共德皆當悉載無遺者誰非倫常中人
予之以孝正樂與其爲孝獎之以義亦可以愧不義

此義傳之所由作與

孝義總按

孝義傳補遺

鄭造字懿德安化里恩貢生性敏好學九歲能誦五經十四入泮十七食廩餼文名噪一時老年專心教授遠近名士多出其門

鄭建字子及安化里庠生鄭建極之次子七歲父卒母王氏又失明建左右就養未嘗離側事兄亦恭謹克持弟道家庭之間恂恂如也嗣以乾隆甲子歲薦授西平司訓教諸生專以崇孝弟敦實行爲本不徒事文墨及致仕西平紳士送之多有泣下者享年六十九卒子士枋士棫士鶴皆邑庠

黃甲梁庄里人爲張乙所殺乙遇赦歸猶與黃甲之二

子居同里不避忌甲子習見不能忍伺其便而手刃之兄弟抵官爭任罪是相仇無已雖例所禁然猶知義不共戴者彼或反面事仇獨何心哉

貞烈傳補遺

鄭氏安化里貢生鄭造之孫女也女十四父卒母王氏生弟懷誠僅數月女事母撫弟孝謹備至適遭瘟疫盛行母弟皆染疾而女亦抱病仍勉力支持進湯藥且每夜涕泣拜禱天地願以身代後母弟病皆愈而女卒卒時天正熱家貧僅以薄材殮然懸棺四十日無泄氣且時有異香孝女之行應與蘭茝爭芳理固

然與

李氏明灣里承務郎戴君恩曾孫戴曉妻也歸曉時其
祖姑與其姑均孀婦又皆經年病氏力侍湯藥不少
懈年二十七曉卽早世遺二子長孔則甫五歲次孔
昭纔週生事老撫幼惟氏一人加以田產半典屋舍
傾頽氏勤儉經營卒致豐饒更能教其子禮葬先柩
繩繼書香以故孔則愿恪好文孔昭博詩多藝其長
孫魁立弱冠食餼氏亦壽及八旬固天之所以報氏
亦氏之所以自操者厚耳

孝義傳補遺

胡席珍喬遷里諸生幼孤事母孝以舌耕餬口

弟士毅同居無怨言乾隆五十一年歲大饑罄其家

息縣志卷之六
之所有以賙窮乏里人德之

△ 潘

息縣志卷之六

貞烈

志曰嘗讀劉向列女傳其所述婦道與母儀爲最詳而
范史宗之及明呂氏坤亦本此作閨範是皆欲垂訓
于來茲也顧所處有常變或以節稱亦或以烈傳而
烈非人生之幸不可以爲常但得貞靜和平能修內
行於一家是卽壺儀所由存息郡男效賢良女慕貞
潔卽如明季遭流寇之變若董妙聰李端姐及余瑜
之妻劉氏胡封臣之妻宋氏等皆能罵賊不屈任其
支解是卽烈丈夫之致命遂志其何以過此故凡息
之士女其已經題旌者悉載不遺卽或未經題旌亦

必採輯附錄於後以表幽芳焉

貞烈總序

息縣志卷之六

貞烈

周

貞姬楚白公勝妻白公死其妻紡績不嫁吳王素聞其
美且有行使大夫聘焉將以爲夫人姬辭之曰白公
生時妾幸得執箕帚掌衣屨託爲妃匹白公不幸死
妾願守其墳墓以終天年今王賜金璧之聘夫人之
位非妾之所聞也且夫棄義從欲者污也見利忘死
者貪也夫貪污之人王何以爲哉妾聞之忠臣不借
人以力貞女不假人以色豈獨事生若此哉于死者
亦然妾既不仁不能死今奴法而嫁不亦太甚乎遂

辭聘而不行吳王賢其守節有義號曰貞姬

明

謝氏夏郎里人年十六適諸生岳崇執婦道事舅姑以孝稱崇病卒謝年二十有二誓不再適撫二幼子皆成人五十餘年如一日毫無間言年八十四卒

岳妙雲在城里岳崇女年十四適劉生茂未逾年茂感疾執岳手若有所囑岳曉其意卽以永不二適誓之茂聞言而卒有憐其少輒令再適者岳峻拒之持節養姑舅終不少衰嘉靖間事聞旌其門後舅卒岳以禮葬之越三日亦卒人稱其孝

鄧氏梅魁里人二十二適諸生張壑三載而壑亡生子

琦僅七月鄧仰天泣曰吾夫止遺一息必撫之以承祀或奪吾志有死而已孀居三十年無玷子琦成人咸稱其節

張氏仁和里人長史張公孫女年十九適里人陸和開於婦儀內外稱賢和早卒孀守節三十餘年紡織自給教子女有法閨門肅然有烈女風鄉里高其節

胡氏尋丞廬之女適本縣劉佐善相其夫以賢稱佐卒胡年二十四哀痛幾絕有諷令再適者胡以婦無二天峻拒之教子江成人鄉里服其志

董妙聰適張九方正德辛未流賊驟至木獲避賊見其貌悅之挽使從行董罵曰我良家婦肯從賊乎以刀

自毀其面賊怒殺之事聞旃其門曰貞烈

胡氏在城里胡璉女年十六適諸生王大本正德辛未
流賊陷城執胡迥之隨行胡厲聲罵賊被害甚慘甫
并死節鄉里特重之

楊氏澗頭里人年十六適黃家樓樓蚤卒子傑甫三歲
楊誓不移志茹荼教子冰蘂之操歷三十年如一日
也傑登進士疏陳母節詔旌其門

王氏澗頭里人適賈生鄭成燧素有才名蚤卒王氏三
十有四生子欽陞甫兩月忍死撫孤身持門戶姑闈
氏遺異疾侍養不倦姑目失明親舌舐之三月目如
初咸謂孝感所致舅寢疾視膳進調劑備至舅深憫

之祝曰願兒娶婦亦如婦孝卒瘞拮据者三十年
舉明經請於當事旌其門壬辰成進士授蕙州司李
孫鼎鎮登乙未進士詩書節孝之報豈偶然哉

孟氏胡庄里人適諸生楊君明崇貞乙亥寇掠息孟
偕姑皮氏走避不及執姑拷索孟以身覆姑代受挺
刀賊舍姑逼孟同行孟曰吾家世清白寧受賊汚耶
厲聲罵賊賊怒殺之姑得脫去

宋氏喬遷里人適諸生胡封臣崇貞乙亥值有衆賊欲
犯之罵賊不從賊怒甚縛之樹割其兩耳復罵曰賊
聽我一死適支解之舉於有司旌其門曰節烈

劉氏安阜里人適貢生余瑜性貞順以夫中年乏嗣爲

置側室文氏生二子崇貞壬午寇破嘗劉被執不屈
死之文氏自投火焚死子天民天覺並補弟子員

李氏端姐少司馬李公孫女國學生延禧女也壬午寇
陷城李年未及笄被執至北關脅從行罵曰我祖何
人豈從汝賊遂殺之見者莫不嘆息事平舉于有司
並旌之

張氏蕩溪里人適里民王藻藻死貧不能殮鄉耆鄰里
爲市材約殯畢以改嫁氏償其值氏從之有匠人成
棺氏私囑曰棺之良人性善寬大棺木必逾于常格
之外匠人依言成棺及將殮氏曰善夫不可托人手
吾自殮之鄰里信焉氏閉戶逾時不出鄰里疑之啟

戶視之則自經于棺旁矣衆感其義殮于同棺助力
以葬有碑記

載藝文志

毛氏生員任若尹妻白里人天啟間若尹年未強仕有
子五人及寢疾語氏云吾篤志于學未能成名諸子
有成吾志者吾不及見也子勉之氏泣受命孝侍其
姑勤家政和熊教子有敬姜之風冢子宣猷登壬辰
乙未兩榜進士次宣烈任湖廣福建都督同知次宣
畧宣文宣才並諸生宣猷子其極例貢生

彭氏邑北街人適儒生鄭啟陸相夫宜家以賢稱陸早
卒彭年僅二十五姑衰子弱家貧諸艱備歷彭處之
無難色雖鄰凌於外族侮於內恬如也時值明末羣

息縣志卷之六
盜蜂起人無寧居以夫浮骨未葬爲憂質奩具以營之爲強宗所妒欲以威力爭其穴彭竟引紼直前葬之強宗竟不敢犯旣而時勢日非彭扶老攜幼移居新蔡避亂至平定後田園廬舍半入豪右半淪茂草彭以婦人身克整故業以爲子孫基儼然烈丈夫事也卒年七十有三

馬氏生員劉祚昌妻昌少有才名明末避亂江左病故氏年僅三十子允澍甫六歲值流離困苦之時丸熊課子柏舟永矢亂定扶夫柩歸葬教子遊邑庠紡績勤耕三十餘年如一日卒年六十五闔邑舉其節操邑侯鍾額旌其門曰名門峻節

陳氏邑增生張星聚之繼室也夫故乏嗣矢志冰霜屢經賊變而保生全操生於萬歷四十八年卒於康熙五十二年壽登百有一歲

盧氏山西按察司僉事盧大勛之女年十七遭聞邑賊生程九萬事姑以孝稱遇寇難偕女二婢負姑避於邑城之東北隅賊刺其姑強之行氏曰吾乃詩禮世家肯從賊乎惟一死以隨吾姑於地下賊亂刀刺之至死罵不絕口有司旌其門曰貞烈

李氏白里人幼適任可善勤儉宜家凡稱內助可善早卒氏斷髮誓守躬紡績奉姑得終天年更脫簪珥延名師教子成名辛苦備歷四十八年如一日年七十

五卒

杜氏白里人適邑庠增廣生在煊義事姑以孝聞姑久病氏侍湯藥衣不解帶者累月煊義卒氏絕粒數日欲相從地下繼以子天球在襁褓遂茹茶飲蘗守節撫孤三十年如一日卒年五十有五

郭氏鄧灣里人適邑紳直隸合肥令劉芳遠遠爲諸生時家業蕭條氏僻糴佐資以成名天啟乙丑聯捷卒於任繼經流寇焚掠產益落氏年甫二十有七嫻於內則孀姑在堂茹荼奉甘以孝聞撫兩孤生驪生屢皆列邑庠年九十三卒

王氏固城里人劉久存妻遭寇陷寨舉家盡屠氏以歸

寧免於難聞變投繯墜水數以救援不死勤紡績經
營葬具以禮殯舅姑與夫訖號於墓曰未亡之人所
以待今日者以三喪未舉也吾事畢矣何以生爲引
身投寨濠深處又以救免絕粒數日死復甦因封髮
飲血足不踰戶者五十餘載卒年七十有五

胡氏城內人適禮部儒士楊大仕仕卒氏年二十八子
甫六齡氏堅守貞節久而不渝晝荻和丸以教其子
仕兄大任弟大紳相繼亡遺一子二女貌雖備孤俱
依氏爲命氏拮据教養畢婚嫁族黨間有巾幗丈夫
之日卒年六十

何氏邑內人適謝復華年二十有三子甫四齡

嚴性獨貞峻節孤標以死自誓值明末大亂何出入
寇氛間兼以饑饉多歷年所而志不移教子法連補
邑弟子員食餼有聲于庠不幸天折謝忍死飲血同
孀媳昌氏撫育孤孫卒年七十有一鄉閭咸稱其節
陸氏邑內人適諸生麗應元崇貞壬午闖寇緣冰渡河
中州無堅城陷息邑大肆擄劫陸自度無完理抱義
不屈投身烈焰死

夏氏年二十適邑庠生陳善繼氏年二十有大旱失所
天時子吾鼎甫四齡無伯叔兄弟煢煢孀孤且值歲
凶兵寇交加家業蕩析氏矢柏撐持艱辛備歷年近
六十以疾終子吾鼎任湖廣荆西道僉事

彭氏邑內人適生員王國生生卒彭年三十子甫四歲
室如懸鐘而心堅金石飲冰茹糞勤苦入載常念夫
亡子幼仰天椎心淚盡繼之以血形槁骨立以卒年
八十有八邑人咸稱其節

黃氏固城里人鄭如恒妻恒故氏年二十有七時舅姑
白髮三子孤幼家既貧復遭外變氏清操自持仰事
俯育克盡其道卒年九十三歲

張氏白里人張仰臺女適迎河集王六崇貞壬午流寇
掠邑東氏被執義不受污罵賊求死賊悅其色不忍
加害久之罵愈厲賊知終不可犯遂棄解之其夫家
母家皆已屠絕惟鄰人郭老目覩之能言其狀有

在王灣寺人無老穉咸呼爲烈婦塚煙草蓬勃聖之
宛有生氣

國朝

陳氏邑諸生王道平妻湖廣分巡荆西道陳吾鼎女年
十八于歸翁卽昌明末遇寇不屈死姑孀居值兵燹
後家道赤貧氏事姑朝夕承歡奉養無缺越九載姑
終典簪環衣物葬姑明年夫亦歿子甫二齡氏年二
十九矢志撫孤親井臼勤女工鞠子成立守節四十
八年

題詩建坊

旌表

季氏澗頭里馬呈吉之妻夫故氏治家克盡婦職孫德遠於乾隆己亥領鄉薦氏苦節數十年

題請建坊

旌表

李氏原任息縣典史李門培女年十八歸孀童盧瀚孀孀姑盡孝養處姑媪無間言結禱八載瀚歿遺孤僅週歲氏躬親織紝和丸教子苦節三十五年

題請建坊

旌表

龐氏備童王璿妻十九歲于歸翁姑早逝每以不繼事爲恨越七載夫故所生二子俱夭氏誓心苦守四十

餘年未嘗出戶庭亦未嘗啟齒作笑語

題請建坊

旌表

任氏邑貢生任宣德次女諸生王軒妻軒少失怙恃
招贅至家未及六載軒殤所遺一子亦殤氏初欲殉
夫絕粒數日其愛謀擇夫從姪自新承嗣因自慰曰
吾夫祀有主其庶永遠承祀克振家聲于是矢志
嗣以紡織供其饋饗子亦仰體母志年既冠卽補邑
諸生氏守節三十九年

題請建坊

旌表

許氏固始人適邑儒士任仁二載仁故時氏年方二十
事祖姑至孝訓嗣子有法守節三十二年

題請建坊

旌表

蔡氏固始人適邑舉生視暴夫亡既年二十大事姑最
孝教子有法守節三十年

題請建坊

旌表

張氏係邑諸生張澤宏女適任以禮十載夫亡守節五

十二年

題請建坊

旌表

賈氏上蔡諸生賈成亨女適邑人任翰三載生子甫一
歲夫故未幾子病痘將年方二十守節三十二年
題請建坊

旌表

張氏適陳本敬九載夫故孝慈兼盡守節三十六年
題請建坊

旌表

趙氏本縣已故典史趙以真之女適諸生王錫武二載
夫故時年二十四守節三十二年
題請建坊

題請建坊

旌表

彭氏適陶印五載夫故遺孤甫三齡後子喪繼子承祧
事翁姑克盡婦道守節五十年

題請建坊

旌表

李氏適姜海五載夫亡時年二十一孝義兼全守節五

十二年

題請建坊

旌表

高氏年十七適邑民宜棟爲妻有棟族戚胡進言者惡
少也媿氏有色伺棟出而計圖之氏嚴拒而免棟歸

辨以情因憤然曰吾聞古有自斷其手者吾身雖未
被汚然已不可復生矣遂自縊

題請建坊

旌表

翁氏王紹基妻也基友張朋雍偶至其家覩氏貌而心
慕之假稱貸以通往來且素知紹基之好飲也更餽
攜壺漿以飲基基醉雍潛起入室氏驚喊力拒時雖
未被汚而所以得免者其肌膚無全肉矣遂投緘

題請建坊

旌表

李氏邑民王儉妻也儉不家鄰人王會先乘其隙而調

戲之隨捐軀明志

題請建坊

旌表

王氏縣民張作正之妻正於八月十七日夜乘月而獲
稻於野鄰人陳萬倉覩得其隙踰垣入室氏嚴拒免
汚投繯殞命

題請建坊

旌表

張氏縣民張秋之妻雖鄉間女頗知自愛者也有土棍
何貴者悅其色而每以語逼其情氏聞之不措意貴
遂以氏爲心許也夜卽入室求歡氏羞愧以死

題請建坊

旌表

李氏邑民盛典之妻與土棍蕪甫相比鄰值典外出相隨入強氏堅拒獲免憤恚投繯

題請建坊

旌表

何氏光州人適邑諸生劉珣事姑甚孝葬姑盡禮珣卒氏年僅二十截髮誓死因遺孤宏功方在襁褓旋復苟活後宏功又亡乃取珣姪劉建東爲己嗣取東姪紹輝爲宏功嗣朝夕紡績請師考課後東入膠庠輝亦列成均

趙請建坊

旌表

龐氏胡庄里人年十八適生員余天顯爲妻結褵二載
天顯病故遺子三俊月餘撫三俊成立守節四十年
於乾隆四十五年

題請建坊

旌表

吳氏儒童任澤萬之妻光州吳士元之女年十七于歸
甫四載澤萬歿遺子樹人方三歲氏勵志冰操艱辛
備歷治家內外肅然教子亦有義方誠巾幗中丈夫
也苦節四十餘年其子樹人已食餼

題請建坊

旌表

盧氏政通里人適潘恒泰泰卒氏時年十九子訓未週歲氏奉老撫幼孝慈兼盡守節四十一年教子成立援例入國學

題請建坊

旌表

劉氏邑民王偉之妻有土棍李花悅其貌乘隙圖之氏拒曰吾玉白冰清肯受污乎遂罵不絕口投繯自殞題請建坊

旌表

劉湯氏素性堅貞因里人鄭池出語褻狎氏憤然曰吾
義不受辱肯令此謔浪語污吾耳乎隨捐軀以明志
題請建坊

旌表

黃氏邑人楊萬德之妻有劉蘭悅其色挑之氏當斷誓
旋投繯殞命

題請建坊

旌表

王氏邑人王大朋之妻有賈待選挑之氏仰天泣曰吾
良家婦肯受此辱乎有死而已尋投繯明志

題請建坊

旌表

薛氏邑人雍鳳岐妻岐故無子氏投繯自盡以救得免
時年三十一矢志柏舟孝事翁姑取嗣子繼宗以全
禮祀

題請給匾

旌表

吳氏光州諸生吳用中之女適邑監生任中頴育二子
長正紀六歲次正紳甫兩月氏時年方三十四苦志
守節

題請給匾

旌表

趙氏黃崗里民徐重文之妻也十七歲于歸甫三載重文病故遺子國銓僅五月氏勵志冰霜艱辛備歷事親不虧內則教子亦有義方茹苦四十餘年其子國銓已列成均

題請建坊

旌獎

周氏黃崗里儒童徐卜年之妻乃

旌表節孝徐趙氏之冢孫媳也結褵二載卜年病故子女無出氏於夫死次日夜投繯自縊於夫柩之旁誠可謂從容就義視死如歸者

題請建坊

旌獎

全氏邑庠生全毓秀長女也年十九適邑學生夏澤遠
遠固世詩書家特貧甚飲食紙筆之需多不給氏每
以針黹所獲資助之遂得入庠且食餼先是遠以哭
祖過哀得疾後一發不能起由是早世父母感喪朽
二子俱髫齡一女甫數月氏斂日不食誓以身殉或
勸之曰上翁姑下子女汝死誰事之而誰育之且從
死小節代終大事胡死爲氏頓悟遂日夜辛苦刻厲
甘忍饑寒務以婦代子職卒能終養二老教二子成
名長開來補增廣生次荀鶴博弟子員又領薦薦
亦適人有賢聲年六十四卒

天恩旌其閭

董氏白亭里民王永極之妻也十六歲于歸甫二載夫故遺子者選僅六月氏身先奴僕勤紡績以養藐孤者選故又撫三孫成立卒以耕讀興家年八十三動作如壯歲媳楊氏亦矢志守節克承厥志人以爲茹苦得甘冥漠之中或有相之者已經具事

題請

王氏適白亭里儒士丁預字前一爲妻七載夫故撫弱子萬年奉衰姑勤紡績歲出其微羨爲延師教子計現年七十三萬年已入庠學憲案臨光郡紳士具呈以聞卽以含章遠耀旌其閭

劉氏監生孫化醇之妻苦守五十餘年教子南宮有義

方人邑庠八十七歲卒學憲毛給匾旌獎

洪氏固始生員洪鵬飛之女白里任澤鰲之妻于歸二
年育子樹績未百日而夫死事孀姑撫幼息不敢言
從夫於地下樹績婚娶後始出痘症危甚氏哭曰余
知死所矣績痘竟痊今子孫滿堂氏已年屆七十學
憲曹旌其門曰徠甫同貞

任熊氏事孀姑姑病百計莫效乃割股食之竟愈里人
憐之旌其門曰致身盡孝後學憲亦給旌獎

張氏適儒童李近禮乃元度之母舉人景韓之祖母也
近禮以賁志歿氏茹苦甘澹矢志冰霜事翁姑二十
餘載菽水自給能得其歡心家雖貧必教子以義方

元度經營家計久而廢學仍以詩書課其孫蕭籊四壁志且益堅午夜中書聲與紡聲相間也及景韓登已西賢書氏欣然曰予之志今可以少慰矣邑侯李公旌其門曰孝節裕後座師裴太史旌其門曰姜操孟訓苦節六十年壽八十一今尙存

甄氏王木之妻木故遺子月餘其翁生員王澤深有疾夜欲食肉氏焚香默祝割股以進深食之而愈孝心可嘉且守節四十載邑人舉於縣給匾獎勵曰貞孝可風

何氏白里孫文瑞之妻夫故矢志守節數十年教子化成人庠學憲劉給匾嘉獎之曰德並女宗

馬氏包信馬偉勲之女年十八于歸張克敬夫沒無子
守節四十餘年學被公舉盧學憲旌其門

林氏何耀祖之妻事姑甚孝姑沒終身不茹葷以孝聞
于縣賜額曰孝行可嘉

張氏固始監生張作中之女黃崗里任汝謹之妻年十
九子歸二十四歲夫故守節三十四年教子馨入泮
子馥亦耕讀自力學憲李給與匾額曰恒德坤貞

張氏適鄧灣里監生吳鈞爲妻年二十四歲夫故撫育
子永年成立入監守節四十年學憲給匾曰苦節幽

光

易氏適安阜里董大儒爲妻年二十二歲夫亡遺孀子

卷之六
盛翁姑俱在氏勤紡績孝養高堂以媳代子後翁姑
繼卒哀毀盡禮現年八十一歲儒學以節壽雙高額
其門

李氏古息里人爲湯應德之妻德沒氏二十五歲子咸
一甫四齡叔應敏甫二齡氏曲體翁姑心皆撫育成
八年八十邑人共請匾其門曰清節爲秋

周氏固陵太學生士煒女明少司馬綱曾孫女也年十
八適比部鄭欽陞冢子鼎鎮甫五載鼎鎮提南宮未
抵家道卒於長葛子慶瀚生未彌月氏聞訃投繯賴
姑傅氏屢救得不死家人力勸始強起撫幼子退居
一室足不踰閭謹事姑更踰於鼎鎮在日姑屬六氏

輒呼天請代誠意懇惻後膺家難逆僕變興姑傳以
憂恚卒氏哀毀柴立竭囊營葬不以其寡也而諉之
諸弟教子虔瀚極盡義方以文著聲食餼於庠貢入
國學氏寡時年甫二十有三卒年六十一冰霜自持
三十八年人無間言

黃氏本縣洪紹芳妻紹芳幼孤賴母張氏鞠育成立黃
氏于歸後偕夫事孀姑以孝聞越三載紹芳歿遺子
亮僅四月氏撫孤事姑茹苦含辛有非人所能堪者
及亮至十歲娶妻宋氏僅生一女亮又以疾天暗
張氏已垂暮痛不欲生黃氏上慰老姑下撫弱媳爲
擇夫之嫡姪孫應運以承亮嗣一門三世苦孀始得

有所依以爲命云

陳氏邑諸生宋允文妻冀州牧奏章女兒也允文歿氏年二十五遺孤萬年甫四歲無他伯叔可依就養母家其孤并賴身氏教誨後得成立爲國子監生氏以宦室女性甘澹泊持家尤極勤儉年逾六十猶日事紡績子婦勸宜自適氏厲言教曰古人云勞則善心生安可逸耶以故家雖少裕仍操作如昔時

王氏邑儒童夏頌妻處士王繼祖長女年十九夫歿僅遺一女氏欲投繯以姑洪氏力勸乃忍死守節事姑至孝值歲饑脫簪環以活姑命姑病侍湯藥日夜不離寢側及歿竭力營殯葬躬自紡績以償其費迨女

及并贅婿黃冕同居夫家所遺薄田四十畝絲毫不
以分毫仍留之夏氏以代爲夫承嗣之人氏深明大
義類如此

王氏彭瑞妻繼室年二十二夫故矢志守節事翁姑孝
值翁喪盡哀盡禮衣衾棺槨皆獨力經營絲毫不以
累夫弟繼姑胡氏年九十餘氏曲盡孝養能使其志
不少鬱前子菊甫五歲亦撫育成立守節三十六年
卒

姚氏邑諸生陳泰友妻年二十七夫歿無子矢志守節
時姑已先歿翁任直隸冀州任越數年翁卒於任氏
竭力迎機歸同翁側室潘氏洪氏撫夫幼弟師恕成

立受室同舉翁姑兩喪立師恕子爲嗣未幾嗣殤又
立嗣子啟賢啟賢亦殤苦節三十餘年卒
胡氏諸生黃泉妻年二十三夫歿矢志守節壽事孀姑
和睦妯娌撫兩子嚴慈兼至每夜紡績令子讀書其
側至夜分書聲與紡聲猶不輟長子煊早列邑庠苦
節五十餘年年八十卒

李氏洪鳳翹妻少司馬李若星元孫女夫故氏年二十
一矢志守節孝事舅姑爲夫幼弟鳳翹經營衣食務
得舅姑歡心舅姑歿殯葬皆如禮未幾鳳翹亦歿氏
與孀妻趙氏同居守節立從姪模爲嗣歷節四十餘

年

路氏本縣鄉氏路志友年十九適王松越八載松故矢
志守節事衰姑吳色養兼至姑歿竭力營葬督二子
守分力田敦崇本業田產益充有鄰婦何氏家赤貧
嫁月餘其夫張林值歲歉逃出三載不歸母家謀賂
嫁之氏引至已家衣食數年視之如女後林歸夫婦
仍得完聚鄉里義之

謝氏阜陽監生謝汝恒女幼讀書明大義年二十二適
邑諸生任軒齡事姑孝處妯娌和躬紡績佐齡讀書
越五載齡故遺孤方在襁褓矢志撫養又五載孤殤
氏仰天號泣曰我之所以不死者以孤在也今望絕
矣乃囑妯娌善事姑往拜夫墓歸自縊死是日六風

兩雷電環繞其室人以為至性所感云

祝氏邑貢生祝易女賦質澗淑年十六歸光州諸生黃
儉時翁姑已繼歿氏常以不逮事為憾每歲時薦享
必備物豐潔以致誠敬夫弟妹四人皆穉氏撫育愛
護委曲周至比長為之經其婚嫁竭力營辦無稍缺
畧夫姊適朱甫二載而孀氏念其孤寡無依迎養至
家一飲食起居必與相共夫素患嗽方謀葬其父母
旋以異同室大功喪過哀病劇天亡時氏年二十八
遺一子僅三歲撫育成立並回夫諸弟謀厝翁姑於
老塋復置阡陌安葬其夫一切殯祭皆衷於禮歷節
二十餘年

陳氏舉人朱考成之母苦節四十餘年事翁姑以孝聞
生養死葬教子成名今挑發延津縣教諭

劉氏白里徐獻畧之妻苦節四十餘年教子成家其子
媳劉氏曾割股奉親事雖嚴例所禁亦可憫也

王氏邑監生夏煒之妻素性賢孝煒卒姑宋氏哀子嗣
絕朝夕定省委曲承歡較煒在時孝養倍加姑沒凡
衣衾棺木皆親自檢點以夫堂兄宣之子生員澤隆
爲己子隆沒撫孫三人教以義方現年八十有六

趙氏古息里王業儻妻年二十一歲夫故遺子鏞甫二
週氏矢志柏舟翁姑沒時葬大事獨任其勞以夫
弟冲幼並不振累年六十八歲卒守節四十七年

彭氏年十九歲適需遷里杜克膺爲妻又六年膺故遣
一子莪尙在襁褓氏痛夫亡投繯欲殉翁姑以大義
止之家又貧氏終日採薪拾穗以養老撫幼卽自不
食無怨言翁姑沒殯葬昏氏拮据守節三十二年子
莪又天媳張氏亦同姑志

吳氏邑廩生夏蓮浦之嗣母也浦母黎固羅邑名族女
以其子應繼爲吳嗣叔沒時猶在鄭州署中姑春秋
已暮雖屢迎養然在息之日多吳與其爲左右就
養吳初不以夫之沒而稍有推諉也先意承志務得
歡心及黎自鄭歸以浦與吳吳撫之如已出冰霜自
矢甘澹泊力勤勞年十七適夫夫沒方二十四守節

三十餘年

任王氏乃任懷敏之妻聞夫死未過門卽自經鄉人求其母家與敏合葬雖非禮所以成其志也

石氏固始人邑生員任澤元之妻夫死自經解救復甦後卒以不食死

臧氏黃崗里生員劉夢麒之妻麒歿氏善事繼姑劉氏姑病氏禱祝願身代自割股鄉鄰憐之

任李氏監生任志高之母孫貴贈安人賢名著宗族鄉黨間統馭家衆數十口有巾幗丈夫風

劉王氏邑庠生王澤浦之女劉堯祚之媳十五歲于歸翁姑早逝幼習孝經素性溫恭二十五歲苦節其家

僅存祖母朝夕奉事生養死葬始終不懈無人不稱
其賢現年已七十

任方氏任志顥之妻潁川名進士方伯之女也端正有
撫馭才內外肅然年屆九十卒

居氏夏郎望人適同里崔平平卒氏年二十五無子過
姪有涵爲嗣事姑趙氏至孝及沒喪葬盡禮皆氏力
爲之不幸有涵天氏復忍死泣血同孀媳劉氏撫育
孤孫年已六十六鄉里咸稱其節

錢氏任澤深之妻守節四十餘年無子撫庶出任丕揚
任樹桂恩義倍至宗黨稱賢婦焉

魯氏梁庄里程連登之妻二十七歲夫故守節三十八

年乏嗣繼子程忠氏現年六十五歲

衛氏夏郎里人年十八適穰謨逾二年謨卒子嘉訓甫月餘謨家貧不給氏躬勤紡績撫子成立人無不誦其節現年六十二

李氏光山縣貢生李博厚女張鳳喈之妻也有一子僅三歲鳳喈故氏年二十四矢志守節其子又故遺媼洪氏年二十五亦冰霜自矢後媼又故遺孫四歲氏羸衰姑撫弱孫苦守五十年卒年七十四孫鶴齡

李氏邑庠生張學渤之妻李如玉之女也年二十二學渤故遺子士強一歲餘氏苦守五十五年壽七十七

卒

陳氏國學生師恕之女適邑庠生齊粹中之子玉初事
姑胡氏至孝姑有疾氏割股以進姑病遂愈斯亦人
之所難能也

王氏政通里人年十七適梅魁里監生張宇泰卒氏
年二十四遺一子定基方月餘撫育成立教子讀書
備極艱苦守節四十年

陳氏邑廩生甕南金之繼室光州國學生陳朝煥之女
也年十八適金事翁姑以孝聞越六年金卒陳無子
惟側室邵氏育一子未週歲陳忍死泣血撫若已出
踰年邵氏又卒奉老撫幼皆陳一人爲之守節三十
餘年

洪氏邑貢生何述曾之妻卽前布政洪恩焯之裔孫女也爲人端重孝謹于歸不違翁姑事叔翁姑如翁姑無出撫嗣子如已出相夫承德年八十四歲卒

任氏邑貢生何舟濟之妻事翁姑能盡婦道後以母代父職撫諸子有義方年八十五歲卒

王氏陳賡颺之妻年十六于歸颺卒氏十九無出過嗣陳燦斗氏現年六十二歲守節三十七年

陳氏任復虺之妻生一子甫週歲虺沒子亦穉氏年二十一又撫姪爲子勤儉克家孫允泰曾孫化立皆入庠壽享八十卒

張盧氏夏庄里國學生張宇卿妻也期沒氏年二十餘

哀痛幾死家人救勉齋數次迺長門子定邦爲嗣守節四十餘載清操自矢卒能訓子入庠保承家業壽六十五歲卒

何氏生員陳心水之妻貢生何霖濟之女也年二十適心水及心水卒氏年二十五哀悼毀容誓以身殉後以親老子幼勉留餘生日事紡績志堅松柏現年六十七守節四十二年

曹氏在城里人廩貢生曹允濟之女也適邑庠張金鑑年二十餘鑑故氏無出以胞姪麟甲爲嗣紡績爲業矢志苦守事孀姑克盡婦職後遭家不造夫弟數人皆相繼亡嗣子甫九歲孤苦零丁卒堅冰志誠巾國

丈夫也

襄氏邑儒士夏疏鴻之妻鴻故比年十九歲撫育赤子
不幸天亡仍身親農桑上事翁姑克盡孝養守節三
十二年

李氏潤縣里人于歸生員王瑞成成故氏乏嗣年甫二
十一惟翁是依以婦代子職拮据萬狀無倦容家至
貧更無期功強近之親卒矢志冰霜全名完節享年
八十一歲

臧氏邑庠生臧應龍之女也年十七于歸許嘉典宛轉
事翁得其歡心後割屨醫親例雖不許亦可憫也

翟氏邑庠生李清士之妻也年十八于歸清士故遺孤

子熾成年僅四週氏誓同死鄰親諭以親老子弱氏
飲泣受命紡績奉親生養殉葬無不盡禮教子熾成
及孫汝霖皆入庠俱氏之力也守節五十餘年享年
七十八卒

趙氏包信里張一鳳之妻進士張宣之孫媳也于歸時

翁姑早逝逮事祖父婦職克敦及祖亡夫卽相繼沒
氏甫二十一歲門鮮尺童家無次丁因歸母族而母

家亦僅有少弟始一歲遂朝夕撫養幸弟趙希朱成
立姪連城亦入庠然於其一出入間必問所與何人

所營何事每教以擇而後交毋交而後擇叮嚀誥誡
如嚴師焉陶孟宗風何以退之守節五十一年

黃氏邑貢生黃世煊之女適王權權故氏年二十五歲

堅志守一孝事翁姑宗黨稱重之

時氏安阜里人適王進義義故氏年十九歲事翁姑克盡婦職苦節四十六年鄉黨憐之

陳氏安阜里王克睿之妻克睿故氏甫年十八子敦化方六月氏誓矢靡他上奉翁姑克盡孝道享年八十

三

龐氏邑儒童謝廷詔之妻詔故氏年二十四僅一女甫

周歲氏舍女殉夫凡自縊者三幾難其繩如刀割而斷舅姑驚覺解救得蘇援古引今勸氏守志氏涕泣受命終日紡績不出戶庭以婦代子職竭奉甘旨克

盡婦道卒年七十二歲

陶氏閭河里谷成美之妻年二十六夫故遺子三景璣
景珣景簠俱早逝三世居孀惟紡績是計義方是訓
孫家珍家祥皆補弟子員

鄭氏邑人宋爲楷之妻鄭作哲之女也年十九適楷踰
六年楷卒遺二女無子氏誓以身殉其母以扶老恤
幼勸止之又踰年繼姑陳氏沒遺二子維邦經邦氏
撫之踰于二女勤紡織以供甘旨後過經邦子爲嗣
守節三十九年六十三歲卒

程氏白里人邑庠生程奉之女州同任宏習之元配也
性至孝祖姑李麗姑鄭爹病氏親侍湯藥不假奴婢

歷十數年如一日然氏繼祖姑沒竟無子人深憐其
孝不獲報云

路氏邑人王松之妻守節四十年子克卿

黃氏邑人王莫字之妻現年六十九歲守節四十六年

嗣子政久

宋氏在城里庠生宋程之女二十一歲隨張椿夫死家

貧栢舟矢志奉老撫幼克盡婦職守節四十三年子

灼萬

何氏邑人王尊德之妻現年六十四守節四十三年嗣

子政和

張氏王珍之妻守節四十一年六十五歲奉子安東

蕭氏栗世道之妻現年五十五歲守節三十餘載

楊氏梁庄里人幼適馮位爲妻於乾隆十年病故氏守

節五十四年現年八十四歲子國全孫科新援例入

太學

趙氏胡庄里人義世林之妻林故氏年二十矢志守節

奉姑訓子迄今三十餘年二十一歲始配夫及夫

王氏黃世焯之妻增生王讓之女夫故氏年二十五守

節五十餘載

徐氏王燦之妻年二十六夫故氏柏舟夙志奉老撫幼

克盡婦職

李氏和平章之妻夫故氏年十九堅志守節孝事翁姑

里人欽之

張氏牛捷選之妻年十九夫故守節四十餘年鄉黨舉之

張氏王句順之妻年二十八夫故氏清操自持守節三十餘年

丁氏何選昇之妻年二十六夫故堅志守一事老撫幼艱辛備歷

谷氏臨淮里徐超妻超卒氏年二十三遺子甫三歲翁姑俱耄氏奉老撫幼守節四十年且有割股醫姑之事焉

牛氏栗贊之妻年二十六贊故遺子景孟娶牛氏未數

載孟亦故與媳同志守節四十餘年

戴氏在城里民汪苞之妻中年居孀子息全無亦無嗣
緒氏矢志從一誠可憫焉

夏氏生員范士楷之妻卽修職佐郎輝縣司訓夏公之
少女也不幸中年暨媳任氏兩世皆孀惟弱孫是望
卒之家業中復兩孫皆循循于和丸畫荻之訓現年
七十餘

趙氏適在城里謝應鳳爲妻早喪翁姑二十三歲夫故
遺子林方二齡佃地養子立志守節八十二歲卒

李氏適新息里史文煥爲妻年二十二歲夫故祖父母
俱衰老翁姑早卒未葬夫弟甫二齡氏孝養盡誠撫

育弱弟及祖父母卒，喪葬合禮。現年六十餘歲。月
張氏適新息里王洪爲妻，年二十二歲。夫亡，子治岐甫
一月，冰霜自勵，事翁姑以孝聞。六十二歲卒。

黃氏適在城里凌志爲妻，年二十五歲。夫故，子殿魁四
歲家無寸土，租房以居，紡績針指，孝事翁姑。後翁姑
卒，殯葬大事拮据辦理，守節四十餘年。

丁氏適永豐里馮時賢爲妻，年二十一歲。夫故，子女俱
無，孝事翁姑。越歲翁姑繼卒，氏喪葬盡禮，以夫姪馮
源爲嗣。現年六十餘歲。

朱氏適包信，張翼漢爲妻，年二十二歲。夫亡，遺獨子
毓芳，僅二齡。家貧紡績，矢志守節。遭夫庶兄欲奪其

志持刀繩誓以必死姑高氏久病臥牀親侍湯藥及故獨力殯葬並未振及庶兄時年六十八歲

黃氏適梁庄里張應智爲妻家貧幼喪翁姑年二十夫故遺二子未及一載俱殤孑然無倚以夫姪作文爲嗣待若已出紡績訓養家道漸豐現年七十有五

趙氏閩河里孫永正之妻適夫家年二十一歲夫故遺子科甫二齡事姑以孝聞喪葬俱盡禮教子尤爲義方彷彿有孟母風

蘓氏邑儒童徐統荆妻岸生蘓希孔之女適荆未二載荆故氏年二十歲不食者五日翁姑憫其節以其夫弟之子溫爲嗣苦節四十餘年翁姑終一切喪葬氏

獨力竭辦不扳夫弟族人稱其賢

王氏白亭里張士元母年十六歲于歸十九歲夫故遺腹子士元家無生活採薪拾穗以養弱孤現年七十猶躬親耕作以教子孫

陳氏適白亭里張釗爲妻陳友生之女也于歸後二十一歲夫故氏誓死者數家人救之生過夫姪汝南爲嗣張氏一脈賴以不絕壽年九十一歲

馬氏安化里人適夫楊龍三載龍故氏年二十二歲無嗣又無翁姑雖有夫弟遠買不家赤貧無所依歸就母家及父母俱亡又依其祖母與堂弟居住厥後夫弟歸氏出紡績之餘資爲弟經營成家後生二子氏

立一爲嗣又爲完娶規年已八十矣

高氏胡庄里人庠生姚木之母也生木方八月而夫亡事翁姑得其歡心訓子克成立冰操數十年木亡乏嗣大宗子鑑繼之木妻余氏孝慈如其姑孫心淵早年入泮

李氏胡庄里趙希抃之妻也年十七歸抃八年而抃卒遺孤甫三齡姑旣衰朽傷其子之沒媳之寡孫之穉也日夕哀痛寢食不寧氏飲泣委曲事姑務得其歡心子萃入成均尋卒氏又撫其孫立中艱苦之情冰霜之節四十餘年如一日

東氏古息里邑庠生鄭直之繼室也直元配邑庠生夏

習吉之女夏氏早亡遺二子長學顏次學孔方七歲
東氏年二十一適其家未經一載直故氏勤儉持家
詩書教子二子俱髫年入邑庠苦節五十餘年

何氏適邑庠生楊中和事翁姑頗得歡心及和卒氏年
二十有五無子晝夜啼哭水漿不入口昏絕數次或
勸之食氏曰我不能爲夫存後罪無可道雖生猶死
相從于地下足矣取第三姪綬麟爲嗣曰伯姒仍依
舊撫養無用我爲未數月卒以不食而死

王氏古息里人明御史王時中之曾孫女十七適儒童
丁珥爲妻二年珥謫遺子正午僅數月氏數覓死輒
爲其姑救猶不解其姑厲色曰爾從夫烈矣何置此

血塊於予傷予心絕夫嗣爾心安乎氏本名家女願
明其義感姑言事之無弗至以義方教其子九邑庠
氏古息里人適吳克朋爲妻二十二歲夫故子開基
甫二齡赤貧守節惟拾穗採薪爲生活撫開基成立
沒年八十餘

滕氏安阜里鄉復教之妻也教不察氏獨居夤夜被奸
人所殺訟於官賊未獲里人哀其冤每談及此莫不
稱烈焉

李氏在城里庠生范國舟之妻年二十五舟卒冰霜自
勵三十餘載後其子道入邑庠

李氏臨淮里人增生李允欽之女適徐汝厲年二十六

厲沒遺子倬雲姑病氏割肉以療病痊里黨憐其孝重其節咸稱道之

向氏喬遷里儒童方學敏之妻也年十七歸學敏未幾敏卒無翁姑家道寒遺子景尼甫二齡氏號呼哀痛欲以身殉其父慰之曰汝死方氏孤其誰撫耶氏悟因迎父於家紡績度日上事父下撫子父沒氏爲營喪事盡禮現年六十五歲

陳氏邑人潘世經之妻年二十孝事翁姑適姑病不起禱神焚香割股以奉姑遂病愈見其色慘澹方知其事翁姑哀泣息邑皆知

趙氏胡庄里監生趙希彭之女也幼適庠生夏奕瞻子

開會夫殤事翁姑盡孝以媳代子定省無間一飯不親奉翁輒不食問所以翁曰媳奉則翁姑均勻姑奉則自用較減彼亦老年無子人吾不忍也氏先意承志敬供甘旨雖母家有事不敢稍離曰吾二生止有此孝養翁姑一端而已後翁姑卒皆八十餘氏哀毀成疾幸子媳皆孝順亦天之報施不爽耳

劉氏羅服里張義敬之妻年十九夫亡事翁姑以婦代子務得其歡心方夫之未病也氏方有娠及夫病且死氏數欲自盡姑慰之曰爾死何益於夫倘有男張氏其容有幸乎越四月而生子言周撫之成立以悅翁姑之心以存先人之祀現年六十四歲

董氏羅服里人適陳耀先爲妻年二十耀先卒子庸方三歲無翁姑兄嫂又各析居氏獨力支持撫其子以成今已抱孫氏年七十歲

華氏夫穆昶字異凡安化里人夫亡時氏年方二十歲堅志守節年六十八歲卒子洪勛入太學

刁氏夏郎里張士勳妻二十七歲夫故子希甫甫週齡氏孝事孀姑慈養孤子後不幸再又沒媳王氏遺腹孫仲哥亦相繼而亡僅存氏一人喪葬重疊哀泣辦理孤苦零丁誠可憫也現六十有七以夫姪希雍爲

嗣

趙氏丁俊之妻歸後甫三載而俊棄世堂上尙有衰老

滕下並無遺孤氏繼姪丙南爲子委曲婉轉以慰親
心二十餘年始終如一

吳氏幼適永豐里王隱爲妻年十八歲隱故遺子道行
未週歲家貧紡績孝事孀姑姑卒皆氏力殯葬撫子
道行成立守節三十八年今已抱曾孫矣

陳氏適固城里謝炎爲妻邑庠生陳平治女年二十五
歲炎卒舅衰老事繼姑孝叔與夫爲異母凡事巡讓
及舅姑卒勉致喪葬未嘗推諉子早歿女旣嫁而歿
撫叔之子元福爲己子衣食教訓愛慕篤而未嘗不
嚴叔次子落魄氏爲營嫁娶經理家事使之能自存
所謂巾幗中偉人也

徐氏羅服里周龍之妻年二十七歲龍卒男世貴甫四歲氏欲殉夫而傷其子之無依依因安貧困習勤勞撫其子以成立鄉里嘖稱善焉

宣氏羅服里宣端之女適周世貴年二十三世貴沒家貧莫支然事其姑盡禮子長教之耕數十年稱小康焉孫夢麟鳴岐

范氏古息里丁志明妻夫歿年二十七歲撫其子萬選以存夫祀現年六十有三

丁氏明灣里陳希舜之妻也舜故氏年二十五歲守節四十九年現年七十四歲子化淳監生

陶氏阜陽人年十七適安化里生員鄭炳三年夫故無

息縣志卷之六
子氏以日費較少情愿以應得之產讓四分之三與
兩夫弟甘心澹泊茹荼飲藜矢志守貞四十五載嗣
子宗堂業儒

劉氏白里人年十四適安化里生員鄭世榮之子連甲
夫故無子家貧守志苦歷藁茶操比冰霜三十八歲
而終嗣子域函孫鍾衡業儒

王氏阜陽人適邑庠生鄭勳字燭萬性柔和寡言笑與
人無爭夫故冰霜自矢者五十一歲子域夏監生孫
鍾和監生鍾嘔生員

王氏安化里人適庠生鄭之燁之子圻圻故矢志守節
教子耕讀三十八載賢聲遠播

張氏包信里人適監生鄭垣垣故無子苦志冰霜四十

二載

陶氏阜陽人適邑吏員鄭之煥字光遠孝順柔和克盡
婦道煥歿無子氏葉冰自矢五十八年如一日嗣子
垣域磐皆監生孫鍾巖己亥副車鍾壽丙午舉人雲
南知縣

陶氏阜陽人適邑生馮鄭秉均均故著志冰霜四十九
年

王氏鄧灣里人年十六適同里邑庠生呂福福早卒
氏年二十餘遺孤振英方十三歲教養成立後援例
入太學氏八十四歲卒

楚氏太學生呂振英之妻澗頭里人年十七歸英家事
姑以孝聞夫故撫鎔成立入庠生子澗鎔又故兩世
孤寡一綫弱息終能以詩書課孫澗入庠食餼時年
八十有六

簡氏鄧灣里呂際唐之妻唐卒氏年二十八矢志貞堅
冰霜凜然

謝氏新息里王珍妻十九歲于歸孝事翁姑值姑病
危割股食之姑獲愈七十壽終氏夫病故以翁在聊
苟活代夫行孝其生養死葬無憾而後以疾終可謂
孝矣

楊氏白里王梅之母苦節撫孤及梅成立好讀書年二

十竟以病故其妻張氏苦節亦如其姑

戴氏白里王治邦妻邦故氏年二十清貧苦守撫孤子
楷成立克繼書香

孫氏白里廩生任琪之妻夫沒氏年二十四撫孤子絜
矩克紹家聲

常端氏白里人有孝行二十二歲夫沒無子氏翁年逾
七旬無人奉養賴氏以針指事之甫二載翁沒氏乃
投繯以遂其志邑貢生任奪魁贈以詩曰生平不解
有慈烏雪上加霜死復蘇孤嫠暫存全爲舅盡權長
閉但從夫忍無抔土埋崑玉誰向流波認寶珠悽斷
數言蓬顯外春秋聊當莫生芻勒諸墓石以垂不朽

閻氏薄溪里王鐸妻年二十三夫沒孝事翁姑慈撫遺孤其堅貞之志蓋始終不移焉

唐氏薄溪里鄭士品妻年二十三夫亡心如冰蘖節凜雪霜撫前子成立事翁姑以孝聞壽至七旬鄉人比其德如玉云

湯氏薄溪里王明運妻年十九夫故茹荼啖糞甘貧守志以撫遺孤年逾八十而沒

賀氏羅服里人適劉寅寅卒氏奉事翁姑克盡婦道撫育幼弱家法肅然現年逾八旬人丁蕃衍元孫已漸成立

段氏喬遷里鄭詠妻適詠五年夫故無子欲自盡因姑

劉氏守節多年無人奉養未敢輕生越四年姑卒衣
衾棺槨無不盡禮有欲奪其志而嫁之者乃自縊身
死

何氏邳灣里王時可妻夫卒氏恨不俱逝時翁姑在堂
不忍忍置盡婦道以代子職立長門際可子模爲已
子教誨成人

王氏政通里陳元善妻適元善甫半載夫病侍湯藥調
養不愈旣殮竟投水以死

陳氏邑庠生謝連山妻夫卒翁姑衰耄氏事之始終不
懈致翁姑得享長年相繼壽終喪葬如禮其賢孝爲
鄉黨所推重

陳氏文爵妻年二十二夫卒遺子畧甫三歲門無餘丁
氏苦勵節操畧成立娶季寔生子繼宗未一歲畧卽
逝惟姑與媳形影相弔及宗娶高氏生一女而宗又
殤一門三寡族里憐其苦而重其節爲撫族人之子
東周爲子得綿宗祀自來苦節不一端鮮有如此之
甚者

裴氏王義妻適義三年夫故無子茹苦飲泣守節以終
謝氏古息里馮三祝之妻夫故氏年二十三遺子建章
三歲撫養成立守節四十九年

夏氏古息里馮建章之妻夫故氏年二十二遺子宏業
三歲撫養成立守節四十七年業生子大成入邑庠

葉氏新蔡人年十九適邑庠鄭士栻甫三載故生子
僅六月氏忍死奉老撫幼艱貞數十年鄉里公請以
竹柏同貞匾獎之卒年六十九歲

孫氏阜陽人適安化里儒童林讓二載讓故生子成億
又早亡伯訓以其孫爲亡億嗣後請學意以義篤天
經匾獎之現年七十四歲

王氏安化里適儒士鄭遜遜故無子氏守節四十八年
嗣子大來娶妻宋氏新蔡人來故又無子與姑王同
苦守三十三年一門雙節閭里羨之嗣子懷玉

王氏安化里適生員鄭士柯柯故氏矢志守貞五十載
子懷清入邑庠

鄭氏安化里適儒士簡應科科故氏守節三十八年子讓娶妻戴氏讓故無子氏又回孀姑矢冰霜年七十歲卒嗣子文揚

傅氏包信里人適安化里鄭士杆年餘姑歿遺三妹尙幼皆氏撫育之未幾杆亡氏方二十九僅一女無子自分必死賴救免後取兄子超萬爲嗣卒年七十九鄭氏安化里適廩貢生陶基基故氏孝事姑舅生養死葬皆一方經營越六十年子定邦監生

吳氏新蔡人適安化里陶坑坑故無子氏守節四十年
嗣子士鑑

馬氏新蔡人適廖毓極極故無子紡織自給卒年七旬

范氏夏郎里生員謝龍標妻夫故氏三十餘歲孀居十餘年撫二子成立長秉剛援例捐照磨

按二南始于關雎而咏淑女則祇曰窈窕窈窕者幽閑貞靜之謂也厥後化行南國而曉行畏露遊女風歇汝墳之間閨多淑媛久矣息本汝南舊郡今隸弋陽自周貞姬以後俱遺失不可考若明之張節婦等詳其事實真足以感天地而泣鬼神何其烈也夫賢士大夫好談清操而偶臨大難其躊躇而不能自決者尙有之而乃閩中少婦一介弱女竟能抗大義而存大節則僕淮清淑之氣又何嘗不靈秀平分也乎特惜烈則必死節亦必苦至于行成名立坊表鄉里而

從前之暗室幽煙，凄其風雨而淚下者，正不知其春
秋幾度矣。故凡採訪所得者，不厭其多，而特恐其有
所遺焉爾。貞烈總按